



N°1976
Entrée le 26.02.2025
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 27.02.2025
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 25/02/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Wirtschaft & Landwirtschaft, Ernährung a Wäibau weiderzeleeden.

Eng staatlech unerkannten Déierenassociatioun huet op de soziale Medien eng Foto vun engem klengen Hamster verëffentlecht, dem et siichtbar net gutt gung. Am Post gëtt erkläert, dass den Hamster net bei de Veterinär bruecht gouf, mee einfach am Geschäft - engem Baumarkt - op eegen Initiativ "euthanaséiert" gouf.

D'Déiereschutzgesetz vun 2018 schreift kloer vir, dass d'Déieren net dierfen doud gemaach ginn ouni am Virus betäubt ze sinn. Wien een Déier ouni Betäubung doud mécht, kann mat enger Prisongsstrof vun bis zu 3 Joer oder enger Geldstrof vun bis zu 200.000€ bestrooft ginn. D'groussherzoglech Reglement vum 5ten Dezember 2018 gesäit vir, dass engem Déier, deem et net gutt geet, gehollëf muss ginn.

D'Geschäft, wou anscheinend "Fachkräfte" schaffen, déi sech mam Déierewuel missten auskennen, hätte kéinten op ee Veterinär zeréckgräifen. Dat gouf awer net gemaach. Warscheinlech, well dat Méikäschten mat ech bruecht hätt, déi een an enger Profitlogik, wou een Déier ee Produit ass, Sue verluer hätt.

An deem Zesammenhang wéilt ech de Ministeren dës Froe stellen:

1. Dierf d'Personal an engem Baumarkt een Déier doud maachen?
Falls jo, wéi gëtt kontrolléiert, dass d'Schutzmoosnamen vum Déiereschutzgesetz agehale ginn?
2. Wéi eng Bedingungen muss ee Baumarkt erfëllen, fir Déieren dierfen ze verkafen?
Wéi eng Qualifikatiounen oder Agrémenten muss d'Verkafspersonal hunn, fir lieweg Déieren dierfen ze verkafen?
3. Wéi vill Déieren sinn 2022, 2023 an 2024 an esou Geschäfte gestuerwen? (Anechters gefrot: wéi vill Déieren goufen comptabelstechesch als "Perte" deklariéiert?)



www.piraten.lu

4. Wäert dës Regierung sech dofir asetzen, dass de Verkaf vu liewegen Déieren a Baumäart, wou donieft nach Faarwen, Schrauwen an Dünger verkaf ginn, ophält?

Mat déiwem Respekt,



GOERGEN Marc
Deputéierten





Äntwert vun der Ministesch fir Landwirtschaft, Ernährung a Wäibau op d'parlamentaresch Fro n°1976 vum éierbaren Deputéierten Marc Goergen

1. Dierf d'Personal an engem Baumarkt een Déier dout maachen? Falls jo, wéi gëtt kontrolléiert, dass d'Schutzmoosname vum Déiereschutzgesetz agehale ginn?

De Règlement grand-ducal vum 5. Dezember 2018 déterminant les conditions de détention des animaux verweist a sengem Artikel 2, Paragraphe 3, dass d'Mise à mort am Respekt vum Artikel 11 vun der *Convention européenne pour la protection des animaux de compagnie*, vum 13 November 1987, muss geschéien:

Article 11 – Sacrifice 1

Seul un vétérinaire ou une autre personne compétente doit procéder au sacrifice d'un animal de compagnie, excepté en cas d'urgence pour mettre fin aux souffrances d'un animal et lorsque l'aide d'un vétérinaire ou d'une autre personne compétente ne peut être obtenue rapidement ou dans tout autre cas d'urgence prévu par la législation nationale. Tout sacrifice doit se faire avec le minimum de souffrances physiques et morales en tenant compte des circonstances. La méthode choisie, excepté en cas d'urgence, doit : a soit provoquer une perte de conscience immédiate puis la mort, b soit commencer par l'administration d'une anesthésie générale profonde suivie d'un procédé qui causera la mort de manière certaine.

Wann d'Urgence ginn ass, a wann d'Hëllef vun engem Veterinär oder enger anerer kompetenter Persoun net schnell genuch disponibel ass, muss eng Persoun een Déier vu senger Qualen erlësen.

*(*3) Tout animal qui paraît malade ou blessé, doit être logé et soigné compte tenu de son état ou, à défaut, être mis à mort en respectant les conditions de l'article 11 de la [loi du 31 juillet 1991](#) portant approbation de la Convention européenne pour la protection des animaux de compagnie, signée à Strasbourg le 13 novembre 1987.)*

2. Wéi eng Bedingunge muss ee Baumarkt erfëllen, fir Déieren dierfen ze verkafen? Wéi eng Qualifikatiounen oder Agreementen muss d'Verkafspersonal hunn, fir lieweg Déieren dierfen ze verkafen?

Den Art.6(2)4. schreift eng ministeriell Geneemegung fir Geschäfte vir déi lieweg Déiere verkafen. Bei der Prozedur fir d'Geneemegung gëtt och gepréift, wat fir eng Formatiounen d'Personal huet resp. wéi déi intern Formatioun vum Personal an deem Beräich ass.

3. Wéi vill Déiere sinn 2022, 2023 an 2024 an esou Geschäfte gestuerwen? (Aneschtens gefrot: wéi vill Déiere goufen comptabelstechesch als "Perte" deklaréiert?)

Et gi keng Donnéeën oder Statistiken iwwert d'Unzuel vun de verstuerwenen Déieren an de Geschäfte.

4. Wäert dës Regierung sech dofir asetzen, dass de Verkaf vu liewegen Déieren a Baumäert, wou donieft nach Faarwen, Schrauwen an Dünger verkaf ginn, ophält?

D'Déiereschutzgesetz gëtt aktuell iwwerschaaft. Dobäi ginn all d'Méiglechkeeten iwwerpréift fir den Déiereschutz zu Lëtzebuerg weider ze garantéieren a wann néideg ze verbesseren.

Lëtzebuerg, den 17 .Mäerz 2025

D'Ministesch fir Landwirtschaft, Ernährung a Wäibau

(s.) Martine HANSEN